

嚴況於王平時波斯匿王白菩薩言誰者是
於菩薩眷屬菩薩答言勸菩提心是菩薩眷
屬令覺悟故勸見如來是菩薩眷屬不虛妄
故勸聞正法是菩薩眷屬獲多聞故勸見聖
衆是菩薩眷屬得善友故四攝是菩薩眷屬
攝衆生故六波羅蜜是菩薩眷屬增長菩提
故三十七品是菩薩眷屬趣向道場故菩薩
有斯眷屬莊嚴侍衛能摧魔軍至師子吼登
最勝處尔時波斯匿王及諸大衆歡喜踊躍
九千衆生離煩惱垢得清淨眼佛說是經已
善順菩薩波斯匿王及諸天人乾闥婆阿脩
羅等聞佛所說歡喜奉行

九末

大寶積經卷第九十五

制五

大寶積經卷第九十六

制六

大唐三藏法師菩提流志奉 詔譯

勤授長者會第二十八

如是我聞一時佛在舍衛國祇樹給孤獨園
與大比丘衆千二百五十人俱皆是阿羅漢
諸漏已盡無復煩惱得上調伏猶如大龍所

一

殊大用刊

作已辦棄諸重擔逮得己利盡諸有結正智
解脫心得自在最上應供衆所知識唯有阿
難猶在學地其名曰阿若憍陳如摩訶迦葉
摩訶迦旃延摩訶阿濕波舍利弗大目乾連
摩訶劫賓那摩訶拘絺羅摩訶梵頗羅跋羅
難陀如是等而爲上首復有菩薩摩訶薩五
百人俱皆得三昧及陀羅尼尔時舍衛大城
有一長者名勇猛授富有財寶倉庫盈溢金
銀琉璃車馬磁珊瑚琥珀摩尼真珠象馬
牛羊奴婢僕使商估等類一切衆生時勇猛
授與五百長者遊讌聚會作是議言諸仁者
佛出世難人身難得時亦難遇於佛法中以

信出家是事亦難成比丘性亦復甚難如法
 修行是亦為難知恩報恩少恩不忘是人難
 得能於佛法生信樂心是人難得信樂成就
 是事復難莊嚴佛法是事亦難解脫生死倍
 復為難我等為於聲聞辟支佛乘而求滅度
 為當發趣最上佛乘咸復唱言我等寧於無

上佛道而趣涅槃作是議已前後圍遶出舍
 衛城向祇陀林詣如來所頂禮佛足右遶三
 匝却坐一面尔時世尊知而故問告長者言
 汝等何緣今來我所時勇猛授與五百長者
 從座而起偏袒右肩右膝著地合掌向佛白
 言世尊我等諸人同時集會作是議言佛世

難遇人身難得乃至解脫生死倍復為難我
 等為於聲聞辟支佛乘而求滅度為當發趣
 最上佛乘咸作是言我等寧於無上佛道而
 趣涅槃由此義故今詣如來應正等覺世尊
 菩薩摩訶薩志求阿耨多羅三藐三菩提者
 應云何學應云何住云何修行佛言善哉善

哉汝等發趣阿耨多羅三藐三菩提來詣我
 所應當諦聽善思念之如諸菩薩應學應住
 應所修行當為汝說時諸長者受教而聽佛
 告長者菩薩摩訶薩於阿耨多羅三藐三菩
 提勝志樂者當於一切眾生起大悲心應廣
 修行應勤熏習是故菩薩於身命財及以妻

制六

二

子倉庫舍宅飲食衣服車乘卧具花鬘塗香
 一切樂具應無所著何以故以諸眾生執著
 於身而生惡業由惡業故墮地獄中若於眾
 生起大悲心於身命財則不執著便生善趣
 是故菩薩摩訶薩於阿耨多羅三藐三菩提
 勝志樂者於諸眾生起慈悲已應修大捨而
 不求報不求報者應住戒律三戒清淨應具
 忍辱能忍諸惡應起精進不惜身命應修一
 心安住禪定應修智慧善巧方便應於我人
 眾生壽命皆悉捨離為眾生故應行布施護
 持淨戒為眾生故應修忍辱發起精進為眾
 生故應入禪定修習智慧善巧方便時諸長

者復白佛言世尊我等於身及彼妻子一切財寶資生之具心常愛惜世尊菩薩摩訶薩云何觀察於身命財能無貪恡尔時世尊告長者言善男子菩薩摩訶薩於阿耨多羅三藐三菩提勝志樂者應觀此身無量過患微塵積集生住異滅念念遷流九漏瘡門猶如毒蛇所住窟穴其中無主如空聚落畢竟破壞如坯瓦瓶惡露盈溢猶如穢器受諸不淨猶如圜廁不可觸動猶如惡瘡貪美為患如雜毒食不識恩德如未生怨欺誤於人如惡知識癡愛為害如友狝猴斷智慧命猶如殺者奪諸善法猶如劫賊常求人便猶如怨讎

三

三

惑人如枿芭蕉中無堅實如水聚沫不可執持如水上泡速起速滅如河岸樹臨危動搖如駛河流終歸死海復告長者次觀此身前後因緣初從欲愛和合而生為長養故咽於搏食至於生藏痰癢消之次至黃藏將欲熟時則變為酢次至風藏風分汁滓各別流行成大小便汁變為血血變為肉肉處生脂脂處為骨骨中生髓如是身緣前後不淨若諸菩薩作是觀時復應思惟如此身者三百六十骨聚所成如朽壤舍諸節支持以四網脉周而彌布五百分肉猶若泥塗六脉相繫五百筋纏七百細脉以為編絡十六鹿脉鈎帶相連有二肉繩長三尋半於內纏結十六腸胃繞生熟藏二十五氣脉猶如窓隙一百七閤穴如破碎器八萬毛孔如亂草覆五根七竅不淨盈滿七重皮裹六味長養猶如祠火吞受無厭如是之身一切臭穢自性潰爛誰當於此愛重憍慢唯應觀察如借他器猶車

運載但為養育至菩提故尔時世尊而說偈言
 是身眾穢器 猶如貯糞瓶 凡夫無智慧
 恃色生憍慢 鼻中洩恒流 口氣常臭穢
 眼眵蟲遍身 誰當生淨想 如人執持炭
 磨瑩欲令白 假使至盡時 體色終無變
 設欲淨其身 傾河以自洗 身盡莫能淨

其事亦如是

於時世尊說此偈已復告五百諸長者言若
 諸菩薩發勝志樂趣於阿耨多羅三藐三菩
 提者應觀此身四十四種何等名為四十四
 種一者此身可獸性無和合故二者此身臭
 穢膿血常流故三者是身不堅畢竟敗壞故

制六

四

四者是身羸弱支節相持故五者是身不淨
 穢惡流溢故六者是身如幻誑惑凡愚故七
 者是身瘡門九處常流故八者是身火然欲
 火盛故九者是身為火噴火猛故十者是身
 遍然癡火遍故十一者是身盲冥貪瞋癡故
 十二者是身墮網愛網覆故十三者是身瘡

聚瘡遍滿故十四者是身不安四百四病故
 十五者諸蟲住處八萬戶蟲故十六者是身
 無常畢竟歸死故十七者是身頑癡於法無
 知故十八者猶如瓦器生住壞故十九者是
 身逼迫多憂惱故二十者無有救護必壞滅
 故二十一者是身險惡諂誑難知故二十二

者如無底坑諸欲難滿故二十三者如火受
 薪貪色無厭故二十四者身無厭足貪受五
 欲故二十五者如被捶打隨損害故二十六
 者是身不定盛衰增減故二十七者身隨心
 轉不正思惟故二十八者身不知恩必棄冢
 間故二十九者身為他食狐狼所斃故三十
 者身如機關筋骨相持故三十一者身不可
 觀膿血糞穢故三十二者身不自由依飲食
 生故三十三者身妄纏裹終敗壞故三十四
 者身為惡友多逆害故三十五者身為殺者
 自殘害故三十六者身為苦器苦所逼故三
 十七者身為苦聚五蘊生故三十八者身為

制六

五

無主衆緣生故三十九者是身無命離男女
相故四十者是身為空應觀蘊界處故四十
一者是身虛妄如夢中故四十二者是身不
實如幻化故四十三者身為幻惑如陽焰故
四十四者身為欺誑如影像故是為四十四
種菩薩作是觀時所有身命愛欲執著妻子
舍宅飲食衣服車乘香鬘一切樂具皆悉厭
離無所顧戀速能成就六波羅蜜疾得阿耨
多羅三藐三菩提亦時世尊而說偈言

善得人身甚為難 莫為此身造衆惡
畢竟冢間餒狐狼 勿為惡見生貪愛
凡愚迷惑癡狂故 由愛此身造諸業
此身亦復不知恩 晝夜唯增衆苦緣
機閑動轉常疲困 涕唾便利恒充滿
飢渴寒熱相煎迫 何有智者愛此身
此身無厭如大坑 徒能長養衆怨害
由此身故常作惡 於無量劫受諸苦
應念定死修勝福 正信生於佛法中

飲食衣服及塗香 長養此身來已久
誰能執持令不壞 應知無益勿耽迷
牟尼世尊難可遇 無量劫中時出現
當於佛法生淨信 惡道可畏勿隨行
設令壽命千億歲 猶懼無常生厭離
何況須臾不可保 為彼沉淪惡趣中

或有惡友來相勸 人身難得今已得
多求財寶受娛樂 及此盛年恣嬉遊
何有求財而樂者 設得守護猶勤苦
如此愚人徒妄言 是故智者應觀察
財物如幻亦如夢 愚癡衆生被誑惑
利那時得利那失 何有智者生愛心
譬如幻師幻化事 乾闥婆城種種色
財寶如是誑凡愚 於虛妄中何有實
種種苦惱求財利 水火王賊常侵奪
由此能為衆苦因 何有智者生愛樂
有諸常懷貪愛者 馳逐財利無厭時
能於父母無慈心 乃至親屬生怨害

制六

六

言語善順心乖違
或學邪論邪呪等
或復諂誑現柔和
如是無量眾惡業
珊瑚金玉摩尼珠
不能了知如幻化

造作種種欺誑緣
誇術技藝如姪女
或復剛強示威猛
莫不皆由財利生
是物本來如泡沫
為此虛誑墜三塗

彌勒世尊出現時
國界黃金而布地
劫盡世間悉燒壞
畢竟磨滅歸虛空
種種惡業求財物
臨命終時苦逼身

一生次當補我處
是等為從何所來
須彌河海盡焦枯
而此寶物何從去
養育妻子謂歡娛
妻子無能相救者

於彼三塗怖畏中
車馬財寶屬他人
父母兄弟及妻子
死去無一來相親
智人終不為親愛
唯除業盡方得出

不見妻子及親識
受苦誰能共分者
朋友僮僕并珍財
唯有黑業常隨逐
作諸惡業入阿鼻
親屬無有能代者

閻羅使者唯考業
汝得人身不捨惡
閻羅常告彼罪人
汝自作罪今自來
父母妻子無能救
是故應捨枷鎖業

制 卷九十六

於家妻子應生怖
在家熾然為苦本
身心焦熱鎮燒然
愛樂修行諸佛教
愚闇凡夫不覺知
於彼皮筋骨肉中

恒依佛教正修行
猶如炎鑪甚可畏
誰有智者生貪著
無所營求為快樂
家為苦本橫貪愛
迷惑妄生夫婦想

三六

不能了知如幻化
智者能知此過患
樂法當如求藥想
爾時五百長者聞此法已得無生忍歡喜踊躍而說偈言

慶哉獲大利 諸利中最上 我等於佛法

凡夫於此生貪著
世間欲樂皆捐棄
應速捨離居家縛

皆生欣樂心
以善而養命
願當成佛道
金色相莊嚴
當得如來身
解脫一切縛

發趣於菩提
覺慧自安心
我等皆已發
照明於世界
大心菩提心
具足諸功德

利樂衆生類
憐愍諸衆生
無上菩提心
樂菩提心者
諸心中最上
少福諸衆生

於此無欣樂
菩提心功德
無能容受者
假使布珍寶
迴向菩提心
非唯供養福

不觀生死過
若有色方分
恒河沙數等
供養於諸佛
其福過於彼
餘福亦復然

不樂菩提心
周遍虛空界
諸佛刹土中
有能一合掌
邊際不可得
如是菩提心

最勝仙所說
能除一切病
三火所熱惱
如鑿王勇猛
永離諸憂惱
勤修諸行願

菩提心最勝
與一切安樂
智者無量劫
具足菩提行
於一切生處
勇猛求佛法

如阿伽陀藥
我見諸衆生
勤苦常修習
救拔衆生苦
終不捨是心
我等得善利

我等心欣樂 今遇釋師子 當得如來身
爾時世尊即便微笑從其面門放種種光青
黃赤白紅紫頗梨照於無量無邊世界乃至
梵世日月威光皆悉隱藏還遶三巾從佛頂
入爾時尊者阿難即從座起偏袒右肩右膝
著地合掌向佛白言世尊有何因緣現此微
笑如佛所現非無因緣即於佛前而說偈言
諸佛最上之導師 不以無因現微笑
哀愍世間利益者 願說所爲之因緣
貧乏衆生無法財 應說最上大乘施
能作世間言真眼 願說微笑之因緣
於時世尊告阿難曰汝見此五百長者今於

我所發阿耨多羅三藐三菩提心不阿難白
言唯然已見佛告阿難此五百長者已於往
昔百千億那由他諸佛所承事供養種種善
根今聞是法得無生忍此諸長者從是已後
不生惡趣於人天中常受快樂復於來世彌
勒佛所供養恭敬尊重讚嘆及賢劫中一切

諸佛悉皆承事恭敬供養於諸佛所聽聞正
 法受持讀誦為他廣說過二十五劫各於諸
 佛刹中成無上菩提皆同一字號勝蓮花藏
 如來應正等覺尔時尊者阿難白佛言世尊
 希有世尊希有善逝當何名此廣大法門云
 何奉持佛告阿難是法門名菩薩瑜伽師地
 亦名勇猛授長者所問如是名號汝當受持
 佛說此經已尊者阿難及諸比丘五百長者
 諸菩薩眾天人阿脩羅等聞佛所說皆大歡
 喜信受奉行

第九末

大寶積經卷第九十六

制六

大寶積經卷第九十七

制七

大唐三藏法師菩提流志奉 詔譯

優陀延王會第二十九

如是我聞一時佛在拘睢彌國瞿師羅園與
 大比丘眾千二百五十人俱尔時優陀延王
 第一夫人名曰舍摩常於如來及諸聖眾深

信恭敬親近供養及常稱讚如來功德時王
 復有第二夫人名為帝女常懷諂妬往彼王
 所妄說如來并諸弟子於大夫人有所非法
 王聞是語極生瞋怒即以箭射舍摩夫人尔
 時夫人哀愍王故入慈三昧時所放箭遂即
 却還至王頂上空中而住其箭燄赫猶如火
 聚甚可怖畏乃至三發箭皆如是尔時優陀
 延王既覩斯事舉身毛豎驚忙悔恨謂夫人
 曰汝為天女為龍女耶為復夜叉乾闥婆女
 毗舍遮女羅刹女耶夫人答言我非天女乃
 至亦非羅刹之女大王當知我於佛所聽聞
 正法受持五戒作優婆夷哀愍大王入慈三
 昧王雖於我生不善心由我慈願得無傷損
 因勸王言善哉大王當於如來應正徧知歸
 命頂禮必獲安隱優陀延王便作是念彼於
 佛所聽聞正法作優婆夷尚有如此威神之
 力何況如來應正等覺作是念已即往佛所
 頂禮佛足右遶三匝白言世尊我由欲染因